

重修徽州府志序

今夫郡之有志非徒覽其山川
按其圖籍供文人學士采輯而
蒐羅之已也有民社之責者必
將因俗而成化有鄉里之望者
必將樹表而立坊懷璟未之逮

也而與諸君子共有志焉辛巳
懷璟奉

命守徽州見夫長江千里黃海
障之奇峰異觀不可殫述行其
野則邨墟刻鏤桑麻鋪茶比戶
習絃歌鄉人知禮讓未嘗不蹶

然發憤而興起曰此其俗化之
厚與其鄉先生教澤之長也所
從來者遠矣守斯土者將毋卧
而治之已乎下車後暇與吾宗
峻山先生及其賢士大夫考逸
事訪遺民流覽邑居版籍間有

廢而墜者若府大堂為閤郡觀
瞻所係禹王閣自

國初建立堪輿家謂皆徽郡土
風文運所關而傾圯剝落僅存
遺址此非有事茲土者之責耶
若郡志自有宋羅鄂州逮我

本朝趙恒夫先生距數百年先
後纂輯凡夫山川圖籍土俗人
風披是書者如瞭指然宇內脩
志家徃徃圭臬奉之懿哉茂矣
持是先生距今又百餘年人文
輩出鼎盛輻臻理學經儒在野

不乏其間制度之沿革習尚里
居之轉易遷移亦稍稍有待於
補綴余既治徽之明年與閭郡
諸君子慨然思脩而明之士農
工商無不踴躍議既成旋以量
移鳳陽中止數年來蓋邑邑於

懷而不能以一日釋也馬君漁
山越二年繼莅斯邦與余不言
而心相符志相合邑之踴躍從
公者亦與爾時同此其俗化之
美與其鄉先生教澤之長不益
可想見耶今年春峻山先生以

徵志將成致書告余並及府大
堂禹王閣均已脩舉以為余所
志未逮者越數載而竟成雖去
輒不可留邑之人徃徃追憶不
置爰囑余一言為序懷環自念
恩澤無可及民歷政日淺治術

又無可紀復何敢當誠愧誠感
顧懷環既幸夫有志者事竟成
而又念徽屬人心之厚風俗之
醇至於稍有薄德不忍忘如此
此即凡莅茲土者亦可勸已亦
足風矣其得無一言乎爰略志

端木於首至其書之體例仍依
趙本斟酌損益歸於至當董其
事者有吾宗峻山先生暨郡之
端人正士足以植表樹坊信今
傳後余又何辭以贅焉

道光七年歲次丁亥六月調任

安慶府知府署理安徽寧池太
廣等處兵備道前知鳳陽徽州
府事雲夢程懷璟謹撰



重脩徽州府志敘
徽州在大江之南溪山環峙靈
湫特鍾自晉太康中易名新安
以來代有偉人于江左實為望
郡余曩備官詞垣承乏史職獲
覩儒林傳所列江氏永汪氏紱

戴氏震諸人著述宏富卓二可
傳穆然于紫陽道學之傳歷今
猶在不禁翕然慕之道光癸未
余適奉

命來守此郡簿書之暇用觀民
風因與郡之學士大夫尚論古

人蒐求故實僉謂有郡志在可
以備稽考乃展尋趙給諫吉士
舊志讀之體例雖嚴密而書成
于京師邸舍舛錯漏略事匪一
端且自康熙三十八年以後事
蹟之未及紀者今已百有餘年

遂憚二有復脩之志時大中
丞長沙陶公奏請纂脩安徽省
志奉

詔許可飭所屬郡邑重脩舊志
以備採擇余深幸得蒞文教振
興之邦兼獲收紳士諮詢之助

且又事會之適符也遂不敢辭
珥筆之勞而又慮經費無所出
用是商諸程退齋封翁啓知
六屬以共襄盛舉旋于甲申秋
奉調潁州乃未克集事而去間
一歲余奉

特旨擢中州觀察使郡守馬君
漁山與程封翁集衆資而繼興
之更成新志凡若干卷歲事之
後以書索序于余余慨然念疇
昔所圖維事垂成而幾廢太守
及封翁之勇于繼事而卒以有

成者匪惟一郡之山川民物俗
尚土風不可泯滅抑亦有志竟
成之一徵也馬君以當代詞臣
出數吏治踰年之後政通民和
其于化民成俗之意固有古風
而程封翁德望夙隆年日益高

而嗜學益薦延碩彥訪舊聞搜
奇聞幽黜浮崇實精考而博採
以成一郡之信史使新安之規
撫以彰而曩時之文獻益備其
于史才史識方之舊志殆有進
而愈上者矣余慕其任事之敏

程功之速而尤幸余之有志未
逮者藉是得以不廢也爰綴數
言以述其顛末如此
時道光七年歲次丁亥季春之
望

賜進士出身

欽命河南分巡開歸陳許河務
兵備道前知安徽徽州潁州府
事詹事府左右春坊中允
實錄館提調兼漢書總纂官長

白麟慶撰



重脩徽州府志序
嘗攷孔安國尚書序云九
州之志謂之九垓言土地
所生風氣所宜皆聚此書
周禮地官土訓掌道地圖
誦訓掌道方志自古志乘

之仁實昉於此今
天子御極之五季
詔輯皖省通志新安
屬郡地志未脩且百
餘載會太守漁山馬
君蒞是邦順郡人士
之請開局

編纂書成里中諸君子邇
書問序余取而讀之見其
博采詳摭條分件繫併省
增益皆有據依推太陽節
氣之晷刻舍星占元爲之
幽微辨建置則訂楚漢之

間誌疆域則補唐宋以後
人建國於郡縣改書藉爲
藝文錄
賜謚諸臣官闡忠良續科
第薦辟官表才雋覈初民
客藉官杜紛糲紀米船倉

穀官備有無他如戶役貢
賦物產風俗算不汰其繇
蕪增其闕略釐正其譌舛
體裁完密舊志所弗及已
夫新安有志莫著於羅鄂
州自序官為儒者之書具


有徵官不同鈔取計簿朱
檢討錫鬯官醕醢簡要目
之墓墩程氏仁文獻志實
取材焉今是編出與羅書
可相輔而行不惟省志足
供蒐錄卽

國史之志地理志一統彙
筆者采擇彼資信乎體用
明備之書也太守爲余辛
未所取士由諫垣外擢政
日有轂惠洽余之鄉郡卽
防門與有榮施而諸君子

情敢里開釀和錢自供楮
墨付剖剗相與有成固均
有足多者維衆與梓必恭
敬止綴言簡端余敢自不
文辭哉爰掞其大要而爲
之序

道光七年五月經筵日
講起居注官太子太傅
部事務
翰林院掌院學士
國史館正總裁
翰林院學士
文淵閣領閣事
上書

軍機大臣欵曹振鏞誤



重修徽州府志序

郡邑之有志別星野誌輿圖叅稽興廢之
由綜覈民物之數匪特馳騁文辭誇示雄
富而已蓋期衷諸質實取信來茲俾覽是
編者灼然於山川風俗黎獻典章足以通
古今而資治化焉徽州據浙江上游為江

左名郡山水奇秀人才代興自梁時蕭幾
王篤權輿作記嗣是唐有歙州圖經宋有
李宗諤新圖經惜其書俱久佚而敘述簡
明引據典覈則有羅鄂州願之新安志在
余昔承乏史官詳稽志乘獲其書讀之竊
以為一郡之文獻具在於茲信乎儒者之